

KOMMUNIKAMMA 30 MEI 2021



Kontakpersone, indien jy meer inligting nodig het oor een van die sake wat hier verskyn:

Jou blokouderling of -diaken

Niekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 041-3600665; 083 413 7100; mgvanrooyen@telkomsa.net

TEKS van die WEEK

PSALM 78: 23 en 35

“God het die wolke daarbo gebied en die deure van die hemel oopgemaak.”

“Hulle het bely dat God hulle rots, dat die Allerhoogste hulle Verlosser is.”

SAKE vir GEBED:

- Dankie vir gebedsverhoring op so baie gebiede.
- Treë ernstig in dat God by ons waterlood sal ingryp en dat Hy die wolke in ons opvangsgebiede sal beveel om die deure (sluise) van die hemel oop te maak.
- Dra vir ds Du Toit Wessels en sy vrou Odette aan die Here op.
- Ons bly bid vir ons President en almal wat in gesagsposisies is. Bid dat hulle na die stem van die Here sal luister en Sy raad sal opsoek.
- Die nood in Kleinskool en baie ander gebiede is baie groot. Ons bid dat daar ook verligting sal kom.
- Almal is bekommerd oor die verskriklike korrupsie wat meëdoënloos voortgaan. Ons bid dat die euwel in die kiem gesmoor sal word.
- Bid dat die Here die gewelddadige betogings sal stopsit.
- Ons dra almal wat siek, alleen en hartseer is aan die Here op. Dink ook aan die wat hulle werk verloor het en alles wat daarmee gepaard gaan.
- Willie Möller sterk tuis aan en dit gaan goed met hom.
- Doré Grobler ondergaan chemoterapie.
- Elna Thiart gaan Maandag hospitaal toe.
- Klein Josh sukkel met na-operasie probleme en ons glo en bid dat hy volkome sal herstel.
- Ons bid dat die inentingsproses goed vlot sal verloop.
- Dra in besonder vir Gerrit en Janine Coetzee aan die Here op. Dit is 'n lewensveranderende besluit wat hulle geneem het en ons bid dat God vir hulle sal seën en vir hulle sal toevou in Sy liefde en beskerming.
- Ons is opgewonde oor ons Kermis wat op 16 Junie sal plaasvind. Ons glo dat hierdie poging van Kraggakamma gemeente suksesvol sal wees. Dankie aan almal wat reeds hul deel doen.

There4-bedieninge se gebedsverzoek vir die week:

Bid saam met al die gelowiges in **Myanmar** sodat hulle aanbiddingsgeleentheid en samekomste met ander Christene sal geniet en die vrug daarvan sal ervaar.

EREDIENSTE IN DIE KERKGEBOU

Die hou van eredienste is onderhewig aan al die Covid regulasies. Maskers moet gedra en 'n veilige afstand gehandhaaf word. Vir jou koors wat gemeet sal word en vir die saniteer van hande, het ons alles in plek. Daar mag nou 250 persone per erediens in die kerkgebou wees.

Indien jy 'n erediens wil bywoon, kan jy die volgende skakel gebruik om die aanlyn vorm te voltooi.

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi.

Jou bespreking verseker jou van 'n plek in die eredienste.

Neem asb. kennis dat dit nie 'n vereiste is om plek te bespreek nie, maar dit vergemaklik die inteken proses in die oggend.

Ons versoek hoë risiko persone om nie die dienste in die kerkgebou by te woon nie. Indien jy enige griepsimptome toon, bly asb ter wille van jou eie en ander se veiligheid by die huis.

Digitale dienste het gekom om te bly en sal, soos altyd, beskikbaar gestel word.

Op die kerkraadsvergadering van 20 Mei is daar besluit om vir eers slegs een erediens op 'n Sondag te hou. Die erediens sal Sondae om 09:00 plaasvind en kategese sal direk na die erediens vir al die jeug plaasvind. Die Eietydse- en Klassieke aanbiddingstyle sal afgewissel word en met spesiale geleenthede, gekombineer word. Neem egter kennis dat hierdie slegs 'n tydelike reëling is en die kerkraad sal DV op 28 Augustus die besluit her-evalueer.

Die eerste gesamentlike diens is Nagmaal op Sondag 6 Junie, soos dit op ons almanak verskyn.

PROGRAM VIR DIE WEEK:

Sondag 30 Mei

08:30 Eietydse Diens

<https://youtu.be/ksDhjcfeR0c> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

Tema van Eredienste: Die Heilige Gees maak ons kanale, nie opgaardamme nie. (Joh 7:37-39)

10:00 – Klassieke Diens

Deurdankoffer by die eredienste gaan vir Gemeentebediening.

10:00 – Kategese

Kategese by die kerkgebou vir graad 7 - 11. Covid protokol is in plek en ons sal alles in ons vermoë doen om die jongmense veilig te hou. Graad 1 - 6 kategese vind by ouerhuise plaas.

Maandag 31 Mei

12:45 GEMEENTEBIDUUR

Ons hou Maandae 'n gebedsgeleentheid in die konsistorie, maar ook via Zoom. Almal is welkom. Kontak Niekie indien jy wil saam bid of 'n gebedsversoek het.

Dinsdag 1 Junie

Voedselhulp aan PE-Noord

Ons help weekliks ongeveer 30 gesinne met kospakkies en ander benodighede. Dankie vir elkeen se ondersteuning.

Behalwe vir die skenkings van kos en klere ontvang, is reeds R203 500 gebruik om kos aan te koop.

Kontant donasies kan in ons kerk se bankrekening gemaak word. Merk dit asb. duidelik vir PE Noord.

Skenkings kan hierdie week op Dinsdag by Willie en Gaynor Swanepoel (Abeliasingel 23) afgelaai word. U kan meer inligting op ons webblad kry of vir Sonja Spies (084 516 4925) kontak.

Woensdag 2 Junie

KERKKANTOOR

Die kerkkantoor sal elke Woensdag van 08:00 tot 12:00 oop wees. Maak 'n afspraak by Niekie indien jy kerkkantoor toe wil kom. **Geen persoon sal sonder 'n masker toegelaat word nie.** Volg asb die regulasies.

19:00 KERKRAADSVERGADERING

Daar is 6 ouderling, 3 diaken en 13 dienswerker vakatures. As die Here vir jou roep om op die kerkraad te dien, kontak asseblief vir Niekie.

Vrydag 4 Junie

05:00 MANNEGROEP

Die mannegroepbyeenkoms kom bymekaar by Piet Spies. (Cassarylaan 82) Indien jy wil deel word, kontak vir Frans vir meer besonderhede by sel: 082 773 6205.

Sondag 6 Junie

09:00 NAGMAAL

Geen Kategese, a.g.v. Nagmaal. Brood en wyn sal soos altyd beskikbaar wees by die nagmaaldiens, maar as jy jou eie nagmaaltekens wil saambring, is jy welkom.

Die pad vorentoe.

Die Kerkraad het op die kerkraadsvergadering van 20 Mei vir ds Du Toit Wessels na Kraggakamma Gemeente beroep. Ons glo dat hulle die Here se stem duidelik sal hoor met die groot besluit of hy die beroep na Kraggakamma sal aanvaar. Bid asb ook vir die kandidaat wat nie beroep is nie. Ons gebed is dat die Here vir hulle ook 'n nuwe deur sal oopmaak.

KERMIS

Ons is besig met die beplanning van die Kermis wat op 16 Junie gaan plaasvind. Ons sal verseker dat alle Covid-19 protokolle in plek is, om dit vir almal veilig te maak om deel te wees van die dag. Op die spyskaart is al ons gunstelinge, soos bv Kerrie en Rys, Pannekoek, Spitkoeke, Hamburgers en vele meer. En om seker te maak dat jy wel iets van alles kan eet, kan jy eers die 5km Pretdraf doen om so 'n paar kalorieë te verbrand.

Ons soek konvenors vir die volgende stalletjies:

Brekkie Buns

Vetkoeke

Gebak

Indien jy kans sien om hiermee te help, kontak asb vir Frans Stapelberg (082 773 6205) of Niekie Oosthuizen vir meer inligting. Ons vra asb ook vir finansiële bydraes.

BOURESERWEFONDS

Ons geboue is ook 'n getuigenis dat ons God se fontein van liefde is. Die kerk kompleks benodig groot opknappingswerk soos bv verf, facia's, oorhange, geute ens. Die totaal van die herstelwerk- en opknappingswerk beloop na raming baie naby aan 'n miljoen rand. Die werk sal oor 'n tydperk aangepak word soos fondse beskikbaar raak.

Baie dankie vir die baie groot anonieme bydraes wat ons ontvang het. Verbeterings aan die Gazaniastraat pastorie word reeds gedoen.

Ons weet dit is moeilike tye vir baie van ons, maar as die Here vir jou geseën het, oorweeg dit asb biddend of jy nie kan help om weer die Bou- en verbeteringsfonds te versterk nie. Oorweeg dit asb ook om in jou erflating 'n paar rand aan die fonds na te laat.

VERJAARSDAE

Ons wens die volgende lidmate geluk met hulle verjaarsdae:

30 Mei	Careen Hamilton, Leah Lotter en Adri Viviers
31 Mei	Lynn Rossouw en Salomé van Niekerk
1 Junie	Ryan Bennin, Jean Capes, Gerrit Coetzee, Marietjie Joubert, Willem Joubert, Jean-Mari Oberhölzer, Marie Roets, Reyno Strydom, Marius van Rooyen en Ricky Venter
2 Junie	Sarie Harmse, Dalene Pagel, Lorraine Ungerer, Ockert Ungerer, Johan van der Merwe, Dewald van Heerden en Hantie van Onselen
3 Junie	Janine Dreyer, Chris Hanekom, Stoffel Lotter, Annemi Roelofse, Tina van der Merwe en Dewald van Niekerk
4 Junie	Harry Keevy en Sonja Spies
5 Junie	Heinrich Ferreira, Casey Loftie-Eaton, Niekie Oosthuizen en Dylan Opperman



DANKOFFER

Die tweede maand van ons nuwe finansiële jaar is verby en ons kon ons finansiële verantwoordelikhede, met 'n klein tekort, nakom. Baie dankie vir elkeen se dankbaarheidsbydrae. Ons versoek u om steeds die Here met u finansiële offer van dankbaarheid te bly dien. Die dankoffers kan direk in die kerk se bankrekening of deur middel van SnpScan betaal word.

Die kerk se bankbesonderhede is:

NG Kraggakamma

Absa Tjekrek 1400590091

Takkode 632005



KLEUTERSKOOL BIBLIOTEEKPROJEK

Ons ondersteun Ds Derick Meyburgh wat oa betrokke is by vyftig kleuterskole in die distrikte van Cala en Elliot in die landelike Oos-Kaap. Hy wil graag 'n leeshoekie by elke kleuterskool beskikbaar stel. 300 boekies is reeds aangekoop met donasies wat ontvang is. Vir elkeen van die 50 kleuterskole om tien boeke te kan kry, benodig hul nog 200 boekies om mee te begin. Indien u engelse kleuterboekies het, kan u dit ook skenk vir hierdie projek.

Daar is nou 'n NGO wat isiXhosa boekies beskikbaar stel vir R10.00 per boekie. As jy 'n bydrae tot die projek wil maak, betaal dit oor in die kerk se rekening en dui asb aan dat dit vir die Kleuterskool Biblioteekprojek is.